



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

07.04.2023

196-tm-son

### **Talabaga hayfsan e'lon qilish to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-sonli Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan.

Bu borada bugungi kunda universitetda kompleks chora-tadbirlar olib borilayotganligiga qaramasdan, ayrim talabalar tomonidan universitetning o'quv intizomini buzish holatlari kuzatilmoqda.

Xususiyl huquq fakulteti 3-kurs Rus A potok 1-guruh Baxodirov Bobur Baxtiyor o'g'li 2022-2023 o'quv yili bahorgi semestri davomida sababsiz 33 soat dars mashg'ulotlarini qoldirganligi uchun rasman ogohlantirilgan.

Shuningdek, ushbu talabaga berilgan Toshkent shahar 34-sonli Oilaviy poliklinika tomonidan taqdim etilgan ro'yxat raqami №180 vaqtincha mehnatga layoqatsizlik to'g'risidagi ma'lumotnomada ko'rsatilgan sanalar muddatini qasddan o'zgartirib, dekanatga taqdim etgan. Talabadan mehnatga layoqatsizlik to'g'risidagi ma'lumotnomadagi sanalar haqiqatan to'g'riligi so'ralganda, to'g'ri ekanligini bildirib, yolg'on gapirgan.

Talaba mazkur harakati bilan Toshkent davlat yuridik universiteti Odob-axloq kodeksining 14-moddasi birinchi qismi oltinchi xatboshisi (so'ralgan axborotni yetarlilik va ishonchlilik talablariga muvofiq taqdim etish) va 26-moddasi ikkinchi qismi o'n yettinchi xatboshisi (haqiqatni gapirish, rahbarlar va boshqa xodimlarni chalg'itmaslik) talablarini buzgan.

Toshkent davlat yuridik universiteti Odob-axloq kodeksining 14-moddasi birinchi qismi oltinchi xatboshisi, shuningdek, 26-moddasi ikkinchi qismi o'n yettinchi xatboshisiga asosan va vaqtincha mehnatga layoqatsizlik to'g'risidagi ma'lumotnomada ko'rsatilgan sanalar muddatini qasddan o'zgartirganligi to'g'risidagi tushuntirish xati hamda fakultet dekani B.Musayevning bildirgisiga muvofiq

**BUYURAMAN:**

1. 2022/2023 o'quv yili bahorgi semestrda Toshkent davlat yuridik universiteti Odob-axloq kodeksining 14-moddasi birinchi qismi oltinchi xatboshisi (so'ralgan axborotni yetarlilik va ishonchlilik talablariga muvofiq taqdim etish) va 26-moddasi ikkinchi qismi o'n yettinchi xatboshisi (haqiqatni gapirish, rahbarlar va boshqa xodimlarni chalg'itmaslik) talablarini buzganligi uchun Xususiy huquq fakulteti 3-kurs Rus A potok 1-guruh talabasi Baxodirov Bobur Baxtiyor o'g'liga hayfsan e'lon qilinsin.

2. Xususiy huquq fakulteti dekani B.Musayev ushbu buyruq bilan talabani tanishtirsin va buyruq nusxasi talabaning shaxsiy yig'ma jildiga tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

